

Lov for Hjelmeland idrettslag, skipa 08.04.1910

Laget er ein fusjon av Hjelmeland idrettslag og Årdal idrettslag, jf. årsmøtevedtak 28.06.2019
Hjelmeland idrettslag er ein fusjon av Fister idrettslag og Idrettslaget Hjelm.

Lova er vedteke 16. Januar 2006, med seinare endringar 27. februar 2012, og 31.12.2019.

§ 1 Føremål

Føremålet til idrettslaget er å drive idrett organisert i Noregs Idrettsforbund og olympiske og paralympiske komité (NIF).

Arbeidet skal vera prega av frivillig innsats, demokrati, lojalitet og likeverd. All idrettsleg aktivitet skal byggje på grunnverdiar som idrettsglede, fellesskap, helse og ærligdom.

§ 2 Organisasjon

(1) Idrettslaget er sjølveigande og frittstående med berre personlege medlemmer.

(2) Idrettslaget er medlem av dei særforbunda som lagets årsmøte bestemmer, f.t.

Noregs Fotballforbund

Noregs Skiforbund

Noregs Handballforbund

Norges Friidrettsforbund

For reglar om plikta idrettslaget har til å vere medlem av eit særforbund gjeld [NIFs lov § 10-1 \(4\)](#).

(3) Idrettslaget er medlem av NIF gjennom Rogaland idrettskrets.

(4) For reglar om representasjonsrett gjeld [NIFs lov § 10-3 \(1\)](#).

(5) For reglar om plikta idrettslaget har til å halde regelverket og vedtaka til overordna organisasjonsledd gjeld [NIFs lov §§ 2-2](#) og [2-3](#).

§ 3 Medlemmer

1. For reglar om opptak av medlemmer, utmelding, fråtaking av medlemskap m.m. gjeld [NIFs lov §§ 10-4](#) og [10-6](#).

2. For plikta idrettslaget har til å registrere opplysningar i medlems- og organisasjonsregisteret til idretten gjeld [forskrift om medlems- og organisasjonsregisteret til idretten](#), jf. [NIFs lov § 10-5](#).

§4 Kjønnfordeling

For reglar om kjønnfordeling i styre, utval m.m. og ved representasjon til årsmøte/ting i overordna organisasjonsledd gjeld [NIFs lov § 2-4](#). For idrettslag med omsetnad og medlemstal under terskel fastsett av Idrettsstyret er det tilstrekkeleg at begge kjønn er representerte i styrer, utval m.m. og ved representasjon til årsmøte/ting i overordna organisasjonsledd.

Idrettslaget skal arbeide for lik kjønnfordeling ved val/oppnemning til styre, komitear osv. og ved representasjon til årsmøte/ting.

§ 5 Generelle reglar om stemmerett, kvalifisering til val, forslagsrett m.m.

For reglar om stemmerett, kvalifisering til val og forslagsrett gjeld [NIFs lov §§ 2-5](#), [2-6](#) og [2-7](#).

§ 6 Inhabilitet

For reglar om inhabilitet gjeld [NIFs lov § 2-8](#).

§ 7 Vedtaksførleik, fleirtalskrav og protokoll

For reglar om vedtaksførleik, fleirtalskrav og protokoll gjeld [NIFs lov § 2-9](#).

§ 8 Refusjon av utgifter og godtgjering

For reglar om refusjon av utgifter og godtgjering gjeld [NIFs lov § 2-10](#).

§ 9 Rekneskap og revisjon m.m.

For reglar om rekneskap og revisjon m.m. gjeld [NIFs lov §§ 1-7, 2-11, 2-13](#) og [2-14](#). For idrettslag med omsetnad og medlemstal under terskel fastsett av Idrettsstyret gjeld ikkje kravet om underslagsforsikring.

§ 10 Årsmøte og årsmøtevalde organ

1. Årsmøtet er det høgaste styringsorganet i idrettslaget, og det blir halde kvart år innan utgangen av mars månad.
2. Ordinært og ekstraordinært årsmøte blir gjennomført i samsvar med denne lova og [NIFs lov §§ 2-15, 2-16, 2-17, 2-19, 2-20](#).
3. Oppgåvene til årsmøtet:
 1. godkjenne dei som har stemmerett
 2. velje møteleiar
 3. velje protokollfører
 4. velje to medlemmer til å skrive under protokollen
 5. godkjenne forretningsordenen
 6. godkjenne innkallinga
 7. godkjenne saklista
 8. behandle årsmeldinga frå idrettslaget
 9. behandle
 - a. rekneskapen til idrettslaget
 - b. den økonomiske meldinga frå styret
 - c. eventuell melding frå kontrollutvalet
 - d. eventuell melding frå engasjert revisor
 10. behandle andre saker som kjem fram av godkjend sakliste
 11. fastsetje
 - a. medlemskontingent på minst kr 50
 - b. eventuell treningsavgift, eller gi styret fullmakt til å fastsetje treningsavgifter
 12. vedta budsjettet til idrettslaget
 13. behandle organisasjonsplanen til idrettslaget
 14. Velje:
 1. Leiar og nestleiar
 2. Sekretær, kasserar + 2 varamedlemmer
 3. Leiar for kvar av dei særiddrettane laget driv og andre val i høve til årsmøtevedatt organisasjonsplan, jf. § 11 pkt. 9.
 4. Kontrollutval med leiar og 1 medlem.
 5. Representantar til ting og møter i de organisasjonar idrettslaget er tilslutta.
 6. Valkomité med leder og 2 medlemmer og 1 varamedlem for neste årsmøte.

Alle val av medlemmer skal så langt råd gjerast for to år slik at om lag halve styret er på val kvart år. Varamedlemmer vert valde for eit år.

Leiarar og nestleiarar skal veljast enkeltvis. Dei andre medlemmene skal veljast samla. Deretter skal varamedlemmene veljast samla. Der det blir valt fleire varamedlemmer, skal det veljast 1. varamedlem, 2. varamedlem osv.

For reglar om stemmegivinga på årsmøtet gjeld [NIFs lov § 2-21](#).

4. For reglar om kontrollutvalet gjeld [NIFs lov § 2-12](#).
5. For reglar om valkomiteen gjeld NIFs lov § 2-18.

§ 11 Styret i idrettslaget

(1) Idrettslaget blir leidd og forplikta av styret, som representerer idrettslaget eksternt.

(2) Styret er den høgaste styresmakta til idrettslaget mellom årsmøta, men visse avgjerder kan berre vedtakast av årsmøtet i samsvar med § 10 (3) og [NIFs lov § 2-22](#).

(3) Forvaltninga av, og tilsynet med, alle delar av idrettslagsverksemda høyrer under styret. Styret skal sørge for

- at formålet med idrettslaget blir oppfylt
- at idrettslagsverksemda og økonomistyringa er forsvarleg organisert
- at avgjerder vert tekne i samsvar med regelverket og vedtaket til overordna organisasjonsledd, lova til idrettslaget og årsmøtevedtaket
- at det blir registrert opplysningar i samsvar med § 3 (2)
- at det blir utnemnt ein ansvarleg for politiattestordninga, dersom idrettslaget organiserer idrett for mindreårige eller personar med utviklingshemming
- at det blir utnemnt ein ansvarleg for barneidretten, dersom idrettslaget organiserer barneidrett

(4) Styret kan utnemne komitear/utval for handtering av kontinuerlege eller enkeltstående oppgåver, og utarbeide mandat/instruks for dei.

(5) Styret skal oppnemne representantar til årsmøte/ting i overordna organisasjonsledd dersom årsmøtet ikkje har valt representantar.

(6) Styret skal halde møte når leiaren bestemmer det, eller når minst to av styremedlemmene krev det.

§ 12 Grupper

1) Årsmøtet i idrettslaget kan vedta å opprette og leggje ned grupper, og korleis dei skal organiserast og leiast, eventuelt delegere dette til styret.

(2) Dersom årsmøtet i idrettslaget ved behandlinga av organisasjonsplanen har vedteke å opprette grupper med gruppestyre, gjeld følgjande for idrettslag med omsetnad og medlemstal over terskel fastsett av Idrettsstyret:

a) Kvar gruppe skal ha eit gruppestyre på minst tre medlemmer. Gruppestyret blir valt på årsmøtet eller blir utnemnt av styret etter fullmakt frå årsmøtet.

b) Grappa bør ha minst eitt årleg møte der grappa diskuterer økonomien i grappa og aktiviteten i grappa, foreslår kandidatar til gruppestyret og dessutan gir eventuelle innspel til saker som blir behandla av styret eller årsmøtet.

c) Gruppestyret konstituerer seg sjølv, med mindre noko anna er vedteke av årsmøtet eller av styret etter fullmakt frå årsmøtet.

d) Gruppestyret fastset ei eventuell årleg treningsavgift innanfor ramma av fullmakt som er gjeven av årsmøtet eller styret.

(3) Gruppestyret eller representantar for grupper kan ikkje inngå avtalar eller på annan måte forplikte idrettslaget utan fullmakt frå hovudstyret eller årsmøtet, og innanfor dei rammer som er fastsette av styret eller årsmøtet.

§ 13 Lovendring

For reglar om lovending gjeld [NIFs lov § 2-2](#).

§ 14 Oppløysing utmelding m.m.

1. Idrettslaget kan vedta oppløysing
 - a. ved eit einstemmig vedtak om oppløysing på årsmøtet, eller
 - b. ved å vedta oppløysing med 2/3 fleirtal på to påfølgjande årsmøter, der det etterfølgjande årsmøtet må haldast minimum tre månader og maksimum 6 månader seinare.

Ein føresetnad for eit gyldig vedtak om oppløysing er at idrettslaget skriftleg varslar idrettskrinsen og særforbundet seinast 14 dagar før årsmøtet til idrettslaget behandlar forslag om oppløysing.

(2) Samanslutning med andre idrettslag blir ikkje rekna som oppløysing av idrettslaget. Vedtak om samanslutning eller utmelding frå særforbund, og nødvendige lovendingar i tilknytning til dette, må gjerast med 2/3 fleirtal av årsmøtet.

(3) For reglar om utmelding og tap av medlemskap i NIF gjeld [NIFs lov § 10-2](#).

§ 15 Disposisjonar som er vesentlege, omfattande eller utanom det vanlege

Disposisjonar som er vesentlege, omfattande eller utanom det vanlege sett opp mot storleiken på og verksemda i idrettslaget, kan berre vedtakast av årsmøtet.